

كُتَابَاتٌ مَسْرُوحِيَّة

وَأَخْرَجْتَهَا ...

بين المشكلة واللا مشكلة أربع أحرف فقط بإمكانهم
تغيير أي مستحيل حتى صراعات العالم..

م.ف

محمد فهدمي

تصميم الغلاف: عادل وديد



وَأَخْرَقَهَا

مسرحية

من

فصل واحد

تأليف

ممدوح فرهمي

تقديم

فتحي العشري



التجهيزات الفنية والطباعة
دار بسطرون

للطباعة والنشر والتوزيع
طباعة وتوزيع الكتب في جميع أنحاء العالم
المكتبة والمطبعة : ٣ ش صفوت - محطة المطبعة
شارع الملك فيصل - الجيزة
جمهورية مصر العربية
٠١١٥٧٧٦٠٠٥٢ - ٠١٢٢٩٣٠٠٠٢٩
تصميم و إخراج : أحمد عبد الحليم
رئيس مجلس الإدارة : عماد سام

جميع حقوق النشر والطباعة

محفوظة للمؤلف

ويحظر التصرف في العمل بأي صورة من الصور
إلا بإذن كتابي موثق قانونا

كتابات مسرحية

وأخترتها

مسرحية

من

فصل واحد

تأليف

ممدوح فهمي

تقديم

فتحي العشري

تصميم الغلاف

عادل وديد

تنفيذ



الطبعة الأولى

رقم الايداع

٢٠١٧ / ٢٠٨٦٩

الترقيم الدولى

978 - 977 - 776 - 498 - 8

للتواصل الالكتروني

مع المؤلف

E: mamdouhfahmy4@yahoo.com

facebook ممدوح فهمي

وَأَخْرِقَهَا

بين المشكلة والا مشكلة أربع أحرف فقط بإمكانهم
تغيير اي مستحيل حتى صراعات العالم..

م.ف

مقدمة

برغم الرصانة التي عرف بها الأديب ممدوح فهمى في مسرحياته المنشورة السابقة إلا أنه يتجه في مسرحياته الجديدة التي كتبها مؤخراً وهي من مسرحيات الفصل الواحد ومنها تلك المسرحية "بره الصندوق" فقد اعتمدا في تناولها على الكوميديا السوداء التي تميل أحيانا إلى ال (Farce) الملىء بالإفبهات و القفشات و المواقف المتأزمة التي تحتاج في حلها " فهلوة " أولاد البلد الذين يبررون أفعالهم لخدمة أفكارهم التي تبحث و تصل إلى حلول للخروج من المأزق ، و مع هذا لا يتخلون عن الشرف و الأمانة رغم إحتياجهم الشديد في بعض المواقف كما سنرى في المتابعة ..

نتعرف في تلك المسرحية على المدعو مغاورى و هو سكرتير محامى قديم و مدمن مخدرات يتصور أنه محامى يفهم فى القانون أكثر من المحامين الدارسين أنفسهم، يشجعه على ذلك أن المحامى الذى يعمل لديه لا يتعامل مع القانون بمفهومه الواضح بل يتحايل عليه بكل الطرق الملتوية لتمرير تطلعاته المادية بجانب أنه يتفلسف عليه دائما و يماطل فى دفع مستحقاته المالية الضئيلة فى تتابع الأحداث يتقدم شاب مرغما لخطبة ابنة مغاورى كنوع من تخليص حق لوالده لديه لكن الشاب يعجب بالفعل بإبنته رغم العديد من سوء التفاهم و أيضا يفاجأ أحد أبناء مغاورى أبويه بنيته للهجرة غير الشرعية عن طريق البحر التي لا يعلم أنها

تمت بالفعل فى السابق لإثنين من أبنائه، أيضا فإن زوجة
مغاورى التى تعيش لذاها ليس لها أى دور فيما يعانى هو او
تلك الاسرة المهلهلة بل و تضيف المزيد من الأعباء عليه وعليها،
كذلك فإن مغاورى هذا يعيش مع أحفاده الصغار فى صراع
مستمر يخشى فيه مكائدهم الطفولية التى يتحسب لها دوما و
كأنهم أشخاص كبار

هذا.. و يتعرض الكاتب فى سياق عرضه للأفكار الشعبية عن
العفاريت و السحر و الشعوذة للسخرية منها و إستنكارها
بنفس الأسلوب الكوميدي الذى حرص عليه منذ بداية تلك
المسرحية مستخدما اللغة العامية المتداولة التى تتناغم مع تلك
الشخصيات و مفهومها البسيط

نعود و نأكد أن الكاتب فاجأنا فى تلك المسرحية الجديدة " بره
الصندوق " بخروجه بالفعل من صندوقه الذى إعتدناه ليقدم لنا
منحى آخر فى كتاباته المسرحية التى يسعى فيها إلى التنوع و
التجديد و هذا ليس بالغريب عنه و عن إهتمامه الدائم بقضايا
مجتمعه و تأثيرها على الإنسان

فتحى العشرى

إستهلال للمؤلف

المسرح و ثلاثية المشاركة

إن المسرح حين يقدم عملاً فهناك ثلاثة أطراف لها حضورها و أهميتها و تشابكها الذى لا يمكن إغفاله .. بمعنى آخر لا يكون هناك روحاً أو معنى لما يقدم بدونها على الإطلاق .. و هذه الأطراف تشمل (النص المسرحى - القائمين بالتنفيذ - جمهور المشاهدين)

فمن ناحية النص المقدم فهو فكرة تعرض وجهة نظر كاتبها لموضوع ما و تعتمد فى سياق طرحها بالأساس على صراع بين أشخاص لإيجاد حالة من التتابع والتشويق للوصول فى النهاية إلى ما يراد طرحه للفكرة و إن اختلفت طريقة عرضها و قالبها سواء كان تراجيدى أو كوميدى أو عبثى ... أو غيرهم

كذلك فإن فريق العمل القائم بالتنفيذ من إخراج و تمثيل و مؤثرات الضوء و الموسيقى و غيرها كل هؤلاء يشكلون جسر التواصل بين النص المكتوب و الجمهور المشاهد متسلحين بفنوتهم المتعددة في هذا المجال

يبقى أخيرا في تلك الشراكة الطرف الثالث و هو المشاهد الذى لا يمكن تهميشه أو تجاوزه عما يحدث أمامه على خشبة المسرح فهو المشاهد (الملك) كما يقال فى كل ما يطرح لكنه للأسف لم يستدعى للشهادة على الخشبة لأنه لم يكتب له دورا ليؤديه رغم أن دوره يفوق كل الأدوار فهو الذى يحكم على ما يعرض بالنجاح أو الفشل مباشرة و دون انتظار سواء للفكرة التى تقدم أو بإسلوب و طريقة عرضها فإذا كان العمل مقبولا ونال قناعته قدم له التحية و العكس صحيح

هنا اتوقف أمام مسؤولية قيمة الكلمة و الفكرة للكاتب اولا ثم مسؤولية إبداع القائمين على إيصال و ترجمة ما كتب ثانيا ليس لإسترضاء المتلقى بل لحقه الأصيل لوقته و عقله اللذان يشارك بهما فى تلك الثلاثية و ينطبق هذا أيضا على القارئ إذا كان العمل هنا بين ضفتى كتاب.. فالمشاهد للعرض المسرحى أو

القارئ لنصه لابد من الاعتراف الصريح و الواضح لشراكته في العمل كما أشرنا سابقا فبدون دوره تتحلل تلك الشراكة و تنتهى تماما و من ثما لا يصبح هناك قيمة أو جدوى لما يكتب ويقدم .

مدرع فهمى

وَأَخْرَقَهَا

الشخصيات

رب الأسره	مغاوری
الزوجه	سميره
الإبن	أشرف
الإبنه	نسمه
خطيب الإبنه	هاني
المحامي	سيد

المنظر

ردهة لمنزل متواضع الي حد كبير ويؤكد ذلك الجدران والأثاث البسيط الذي يعكس ذلك ، فأرضيه المكان تتوسطها سجاده قديمه مهلهله وكذلك هناك عدد أربعة من المقاعد لا يشبه أحدهما الآخر فهذا مقعد أنتريه والآخر مقعد خيرزان والثالث مقعد صالون والرابع مقعد خشبي أمامه ما يشبه المكتب من كثرة ما به من تشوهات .. ويتناقض مع ذلك كله صوره كبيره لعائلة مغاوري وزوجته وأبناؤه الأثني عشر وأحفاده العشرون وقد كتب فوقها بخط ضخم ((من شر حاسد إذا حسد)) .. وتحت الصورة ويسارها أيليكان قد سلطا عليها .. هذا بجانب نجفه ضخمة عتيقه لا يوجد بها سوى لمبه واحده فقط .. هذا ويلاحظ أن لتلك الردهه بابين أحدهما باب للشقه والآخر باب للدخل وكلاهما نراه مغلقاً ولا يوجد أحد بالمكان عند فتح الستار .

(مع بدايه العرض نستمع الي أغنية المطرب شعبان عبد
الرحيم: "هابطل السجاير" .. مختلطاً مع تلك الأغنية
صوت مغاوري الأب الغاضب وهو يتحدث من الداخل ..

ص/مغاوري

مليون مره قتلتم وطوا الهيصه ده شويه .. موش عارف
أركز في اللي باكتبه .. (ثم مع استمرار صوت الأغنية)..
مافيش فايده يعني اقوم أكسرلكم التسجيل ده عشان
تهمدوا.. (مع استمرار الأغنية) .. ولا كأني باقول حاجه..
ماشى .. (فجأه تتوقف الأغنية ونستمع الي صوت إرتطام
شئ بالأرض مما يدل علي أن مغاوري قد نفذ بالفعل ما
كان يهدد به) .. إرتحتوا ياغجر .. إتفو عليكم ..

(يفتح الباب الداخلي ليدخل مغاوري وهو يناهز الستون
عاماً قليل الحجم ورغم ذلك نراه في حاله من الحيويه
والنشاط .. يضع نظاره علي وجهه مرتدياً جلباب أبيض
وعلي رأسه طاقيه بيضاء أيضاً .. ويحمل في يده ملف
كبير ويديه قلم ومضرب بلاستيك لقتل الذباب) ..

مغاوري

(وهو يحكم اغلاق الباب خلفه) .. الواحد موش هايعرف
يشوف شغله في المخروب ده ولا ايه .. حاجه تقرف .. (ثم
يتجه نحو المكتب ويضع الملف فوقه وكذلك مضرب
الذباب ويفتح الملف ويجلس ليخرج ورقه يطالعها في

استياء) .. احنا كنا وصلنا لفين .. (بعد لحظه صمت) ..
نجيبها من الأول .. (يقرأ) ٠٠ حضرات القضاة ..
حضرات المستشارين .. حضرات الحاضرين والمساجين
ياللا .. إنه لشرف عظيم أن أقف لإتلو اليمين .. أمام ناس
محترمين .. عندهم رحمه ودين .. ويحكموا بالعدل علي
المتهمين .. وحيث ان هؤلاء المتهمين بريئين .. (ينهض
فجأه واقفاً) .. فأنا .. أيوه أنا .. أنا أطلب لهم العفو لاجل
مايروحوا لبيوتهم مجبورين .. والسلام عليكم وكل سنة
وانتم طيبين .. (ينظر الي الورقه في اعجاب شديد
للغايه) .. ياسلام .. ياسلام ياواد يامغاورى لو الاستاذ سيد
المحامي بتاعك كان عمل بنصيحتك مره واحده وخذ
المرافعه دى وقالها في المحكمه .. علي النعمه لا البك
القاضى بنفسه يقوم ببوسه من هنا ومن هنا .. ويقوله آدى
المرافعات العسل ولا بلاش ..

(بصورة مفاجأه يقترب من آخر الصاله سيد المحامي
الذى يتحدث عنه – في تخيل مغاورى بالطبع – وهو
يرتدى معطف المحاماه ومعتزضاً ومتهكماً علي ما يقوله
ليتوقف أخيراً أمام خشبه المسرح يحدثه) ..

سيد

البك القاضى كان هايبوسني من هنا ومن هنا ويقولى آدى
المرافعات ولا بلاش .. ده كان إدانى بالقديمه وقاللى امشى
اطلع بره وإياك أشوف وشك حتي في المنام ..

مغاورى

(لنفسه في دهشه وتوجس) .. ايه اللي جاب ده في
دماغي الساعه دى .. تكونش التعميره مضروبه وعماللي
تهيؤات .. (تتداخل العديد من الاضواء الملونه وكذلك
وميض الفلشر المتلاحق لنرى مغاورى وهو يعاني منها
بشبه الدوار .. ثم في تفهم) .. هي تهيؤات .. صح
تهيؤات ..

سيد

وخلتني سبت اللي في ايدى وجيت جرى أشوف الهبل
والجهل اللي بتقوله ..

مغاورى

(وكأنه استسلم لما يحدث) .. أهه انت كده ياسيد دايماً
تسد نفسى وتقولي اني راجل جاهل وغير مسكف ..

سيد

ايوه جاهل وهاتفضل جاهل طول عمرك ..
حتي لو قلتك اني هاف أجود اكسبرنس اداهوللى واحد
خواجه في خان الخليلى وانا عيل ولحد وقتنا هذا
ماصرفتوش ..

مغاورى

سيد

(في غضب وهو يصعد علي خشبه المسرح قفزاً) .. لا
ده انت العمليه باينها مخرفه معاك ومحتاج للى يفوقك ..

(وهو يواجهه) .. طب عيني في عينك كده .. انت عمرك
جالك قضيه من بره ولا بتكون انت السبب فيها ..
إديني مثال ..

مغاوری

سيد

(في سخریه) .. الجزار اللي كنت بتشكك منه ولا
تديلوش فلوس لحد ما اتخفق منك ودبك سكينه ..

مغاوری

(في تفاخر) .. وأديني الحمد لله قمت منها زى العفريت
ورفعت عليه قضيه واضطر عشان اتنازل عنها انه
يسامحني في كل اللي على .. موش كده وبس .. ده كمان
كان بيطلعلي فخده لحمه كل اسبوع وشايلها بنفسه علي
كتافه ..

سيد

(ساخراً مره أخرى منه) .. ويوم ما كنت راجع البيت
ولقيت صاحبه علي باب الشقه وبيكلم مراتك في موضوع
الإيجار المتأخر عليكم .. فاكر ساعتها عملت ايه ؟ ..
عملت اللي بيعمله أى راجل محترم .. دخلته اوضة النوم
وقولتله اتفضل كامل كلامك ..

مغاوری

سيد

ياعيني علي الاحترام ..
أمال كنت أحلها ازاي .. موش لازم بيبقي فيه واقعه عشان
أحاسبه عليها ..

مغاوری

سيد

ده انت لميت خلق الله ياراجل عليكم يومها وكانت فضيحه.

مغاوری

سيد

ليه هو موش لينا .. واحده ست لوحدها .. دخل عليها راجل
غريب .. جوزها يعمل ايه ؟ .. يسكت كده وإيده تبقي في
ميه بارده ..

مغاوری

(في تهكم) .. لا السخنه في الاوقات دی تبقي احسن ..
مسكين صاحب البيت .. إطحن ياولداه .. وعلي ايه ..
(جانباً) .. علي بومه أرجل مني ..

سيد

قلت حاجه ؟ ..

مغاوری

الحاجات دی ماتتقالش ياعم سيد .. ماحدش ناقص قواضی
تلبسهاله ..

سيد

المهم ان المسأله اتساوت وانتهت علي انه يسامحني برضه
في المتأخر ويديني وصل سداد لتلت سنين مقدم كرد
شرف علي اللي عمله في غيابي

مغاوری

وانت حد بيطول منك حاجه .. ده انا لا انسى الجنيه اللي
كنت بتديهولي مصروف كل يوم .. ووصل لخمسه بعد
عشرين سنه خدمه .. ولحد وقتنا هذا عمرك ما اديتني
ماهيه ولا أعرف عنها أي حاجه ..

سيد

كله بالاصول يامغاوری .. الاول تبطل الزفت اللي بتشربه
وتبطل تجيب سيرتي علي القهاوی .. وبعدين يكون عندك
صبر شويه لما المحاسب يخلص الميزانيه ويشوف كل

واحد منا نصيبه كام .. احنا موش شركا ..

نيمتني بالكلمه دى عشرين سنه وفات عشرين بعديها واني
مستتي .. (صارخاً) .. وتقوللي بطل الزفت اللي بتشربه ..
ده ده اللي بيخليني صابر ..

مغاورى

وياريت صبرك يواصل كمان عشرينايه ..

سيد

(في حده ومواجهه له) عشرينايه .. اطلع من دماغي
ياسيد .. اطلع لاحسن وديني أعمل حركه من اللي بتعملهم
واقول انك جاى تسرق مني خاتم سليمان .. اطلع بقولك ..

مغاورى

(وهو ينزل من خشبه المسرح ليعود من حيث أتى) ..
هااطلع يامغاورى .. بس خليك فاكرها .. انا دخلت بيتك
وماعملتش معايا أى واجب ..

سيد

(وهو يفرك رأسه ووجهه كأنه يفيق من خيالاته) ..
غور .. أنا ايه اللي خلاني افكر السيره دى واعيدها تاني ..

مغاورى

ما كنا خلصنا .. أهو طيرلي الحجرين .. ربنا يقل مزاجه ..
(بعد لحظه صمت) .. ياللا .. أدينا راضيين بوجع القلب
لاجل خاطر العيال وامهم برضه .. مايضرش .. أهى
شايله الحمل هي كمان .. وكفايه انها خلفتلي اتناشر عماره
وكان فيه أساس لأربعه تانيين .. لكن للأسف جالهم قرار
إزاله .. كان نفسى يكونوا عايشين واكمل الكامبوند واسمى

أصغر عيل فيهم مغاوري السادس عشر وأقولها بالفم
المليان ولا أختشيش .. هي الدنيا ايه .. موش أكله حلوه ..
وقعده حلوه .. ونومه حلوه .. وعزوه حلوه ..

(فجأه يفتح باب الغرفه لتدخل "سميره" الزوجة البدينه
وهي في الخمسينات ونراها حامل بشكل مبالغ فيه
وتمسك في يدها اليمنى برغيف كاملاً كسندوتش تأكل فيه
ويدها الأخرى خياره ضخمة تتبادل الأكل فيها مع
الرغيف) ..

(وهو ينظر الي سميره في تفحص) .. نوم العوافي
ياست سميره .. صحيتي ؟ ..

(وهي تتجاوز عن سؤاله) .. ايه اللي عملته بره ده
يامغاوري؟

عملت ايه ؟ ..

التسجيل ؟ ..

ماله التسجيل ؟ ..

كسرتة ايه ؟ ..

دماغي وجعتني من الرص العمال علي بطل ..

تقوم تدشه ؟ ..

أمال عاوزاني أعمل ايه ؟ ..

مغاوري

سميره

مغاوري

سميره

مغاوري

سميره

مغاوري

سميره

مغاوري

- سميره غير الشريط ..
- مغاوری أغیره بايه ؟ ..
- سميره حط أوكا وأورتيجا ..
- مغاوری (في عدم معرفه) .. أوكا وأورتيجا ؟ ..
- سميره بلاش .. حط عبد الباسط ..
- مغاوری الله يرحمه قرأته مكانش ليها زى في الدنيا ..
- سميره موش عبد الباسط اللي في دماغك .. لأ .. أنا باتكلم عن
- عبد الباسط حموده ..
- مغاوری (في تعجب) .. عبد الباسط حموده !! .. بيعمل ايه حموده
- ده ؟
- سميره بلاوى .. لما تصلح التسجيل أبقى أسمعهاك ..
- مغاوری تسمعهاولي ..
- سميره أيوه أسمعهاك تلاقي نفسك تهت كده ورحت في دنيا
- تانيه.. وده اللي بيهون علي الطلق ساعه ما بولد .. أول ما
- بحس بوجع دغرى اشغله .. هما تلت دقائق بالثانيه والقرن
- يقوم طاشش ..
- مغاوری طيب انتي محتاجاه في الولاده .. انا هاحتاجه في إيه ؟ ..
- سميره في سببها ياراجل ..
- مغاوری شغال يعني عبد الباسط ده ؟ ..

- سميره
وبيفك العمل لأى بت مابتتجوزش .. أمال هما بيحبوه في
الأفراح ليه .. موش عشان بيدوله الشغلانه مونه وأجره ..
- مغاورى
(وهو يغير مجرى الحديث) .. سيبك من ده كله وقوليلي .
- سميره
(وهي تجلس أخيراً وتعاود الأكل) .. أقولك ..
- مغاورى
(وهو يشير للخارج) .. الجرمى اللي يره ..
- سميره
قصدك الحفايد .. مالهم ؟ ..
- مغاورى
نزلوا يلعبوا تحت ولا لسه قاعدين ؟ ..
- سميره
(بلهجه ذات مغزى) .. عايز توز عهم ؟ ..
- مغاورى
احنا العصر ياسميره .. وبعدين انا يوم ما باوز عهم ..
- سميره
التوزيعه دى بتكلفني ثلاثين جنيه ..
- سميره
موش قوى كده ..
- مغاورى
هما مش ثلاثين عيل في كل عيل جنيه ..
- سميره
بيني وبينك ماعدتهمش ..
- مغاورى
لا انا عاددهم كويس علشان مانساش حد ويقعد في
أرابيزى .. ده فيهم واد بتاع سنتين كده موش عارف ابن
مين من العيال آجي أديله الجنيه يقوللي خليهولك ياعم انا
عاوز أتفرج ..
- سميره
عرفته .. موش ده اللي لما يشوفني بسمع أم كلثوم وهي
بتغني ألف ليله وليله يجرى جرى يجيللي صباح الراج ..

- سميره
مغاوری
موش فاهمه ؟ ..
(وهو يشير للسندوتش بيدها) .. لما تبطلي حش جايز
تفهمي
سميره
مغاوری
(وهي تنهض لتغادر المكان) .. أقوم أخدلي حته حلاوه
علشان الجينه اللي جبتها المره دى طلعت حادقه علي
الآخر ..
مغاوری
(وهو يتابعها) .. بالراحه .. وحاسبى لا تخطى في
حاجه وانت ماشيه .. (ثم مع خروجها تماماً) .. دولاب
ياربي ماشى علي عجل ..
(ويدخل أشرف أحد أبناء مغاوری وهو يناهز العشرون
من العمر ونراه في ملابس شبابيه بسيطه ويبدو مرحاً
الي حد ما)
أشرف
مغاوری
السلام عليكم والدنا المحترم ..
وعليكم السلام إبننا اللي مالوش لازمه .. (في تساؤل) ..
إسمك شريف .. صح ؟ ..
أشرف
مغاوری
أشرف يابا .. أشرف .. أشرف مغاوری جوده الفحل ..
(لنفسه في أسف) .. ده كان زمان ..
أشرف
(ضاحكاً) .. سمعتها .. بس انت ماشاء الله عليك يوم ما
تحب تقول للزمان إرجع يا زمان .. يرجعلك عدل ..

- تعرف يا عره انت لو كنت اتجوزت زى اخواتك كنت قلت
ان الواد قليل الأدب ده اللي تاعبني في البيت ده يبقى ابنك
أنهي واد ؟ ..
مغاورى أشرف
- واد ماشى في الشقه كده بيرمي بلاه علي اللي رايح واللي
جاي ..
مغاورى أشرف
- عملك حاجه الواد ده ؟ ..
عمله أسود .. مسيرى استفرد بيه علي رواقه وأعرفه
مقامه ..
مغاورى أشرف
- أبا ..
مغاورى أشرف
- يانعم ..
مغاورى أشرف
- فيه حكاية كده كنت عاوز آخذ رأيك فيها ..
قول واختصر ..
مغاورى أشرف
- أنا عاوز أسافر بره ..
مغاورى أشرف
- أمريكا ..
مغاورى أشرف
- أمريكا إيه بابا .. أمريكا ما بيروحهاش في مراكب ..
مغاورى أشرف
- أمال بيروحولها بابيه ؟ ..
مغاورى أشرف
- بطياره صاروخ .. أنا بره اللي بكلم عنها بلد قريبيه قوى
مننا .. هما يادوب كام ساعه في الميه وتلقي نفسك هناك ..
مغاورى أشرف
- (في إنفراجة فهم) .. شرم يعني ..
مغاورى أشرف

مغاوری

ياحمار .. أنا أقصد تتجوز واحده زيتها من هنا من بلدك ..
تفهمك وتفهمها وتريحك وتريحها ..

أشرف

(في تفهم) .. آه .. أنا مخي أصله راح لبعيد ..

مغاوری

وكمان اللي تجوزها من هنا حاول علي قد ماتقدر تكون
شبه أمك في كل حاجه ..

أشرف

(وهو يمثل بكلتا يداه حجم أمه سميره ثم بلهجه توسل) ..

لا يابا .. لأ .. دى تبقي كتير قوى علي ..

مغاوری

إيه ياواد اللي كتير ؟ ..

أشرف

يابا انت عشان اتأسست كويس ربنا كرمك وقدرت تشيل

المسئوليه .. (ثم وهو يشير الي نفسه) .. لكن اللي في

منطقتي صعب عليه يسد في مشوار كبير قد ده ..

مغاوری

إيه الصعب فيه ؟ ..

أشرف

الصعب اني ممكن تجيلي كرشة نفس لو إتفاجئت بحاجة

قدها كده واقفه قدامي .. والأصعب لو ماكنتش حلوة و

اشوفها و هي ماسحه البويه وشايله السيراميك وجايبها

علي المحاره ..

مغاوری

(بعد لحظه تفكير) .. أخوك أشرف فين ؟ ..

أشرف

أنا أشرف ياعم .. أخويا الثاني إسمه شريف ..

- مغاوری شریف ده واخواته الاتنين اللي مصاحبهم ودايماً سرهم
واحد ..
- أشرف قصدك علي أسامه ونبييل ..
- مغاوری هما مطبوط .. أخبارهم التلاته ايه .. بقالهم مده غطسانين .
- أشرف (في إرتياح كبير) .. كلهم تمام ووصلوا وزى الفل ..
- مغاوری وبلغني انه اتقبض عليهم سولام والحمد لله ..
- أشرف (في دهشه) .. وصلوا فين ؟ .. واتقبض عليهم فين ؟ ..
- مغاوری في أطاليا .. هما أصلهم حبوا يخبوها عليك عشان
ماتعقدهاش وتمنعهم ..
- مغاوری واتقبض عليهم في ايه ان شاء الله ؟ ..
- أشرف البق إياه اللي خوتينا بيه في التلفزيون .. هي الهجره اللي
موش في الحلال ..
- مغاوری (في تهكم) .. موش في الحلال ؟ .. هي الهجره غير
الشرعيه سمتوها هجره موش في الحلال ..
- أشرف ماهو الدخول في بلد من غير تأشيره بيعتبروه جواز
عرفي .. بس بعد السين والجيم المسائل بتتساوى وتبقي
علي يد مآذون ..
- مغاوری مآذون يا حيوان يا أهيل يا ابن الأهيل ..
- أشرف (معاتباً) .. وليه تشتم الرجال بس ماعملكش حاجه ..

مغاوری

ده أنا أشتمه واشتم اللي جابوه .. إثنين ماتربوش وسافروا
في السر من غير ما يقولولي .. جاي انت كمان عايز
تسافر لهم والفرق بينكم انك بتعلنني بيها من غير محضر
كمان ؟ ..

أشرف

ماانا معايش حقه و لا حق السفر وقاصدك تديهولي ..
يعني لو كان معاك ..

مغاوری

كنت رحت في صحبتهم عدل ومن غير ما اتزل لأى بنى
أدم ..

أشرف

(وهو يخلع الشبشب من قدمه) .. إمشى اطلع بره يا
كلب .. إمشى ..

مغاوری

(وهو يمضى سريعاً للخارج) .. خليك فاكرها ٠٠

أشرف

(معقباً في غيظ وهو يضع قدمه في الشبشب) .. روح
جتك القرف فيك وفي شكك .. (ثم في تعجب) .. خلفه ايه
المنيله بنيله دى !! .. وقال عزوه قال .. دى عره
وما بعد هاش عره .. (ثم في عصبية وهو ينظر نحو الباب
الداخلي الذى خرج منه اشرف) .. إنفوه عليكم والساعه
اللي خلفتكم فيها .. إنفوه علي دى ساعه ..

مغاوری

(من الخارج) .. هما دقيقتين بالعدد بلاش كذب ..

ص / سميره

مغاوری

(في تعجب مما سمع) .. سيحي ياختي سيحي .. وانا
اقول دول طالعين لسانهم فالت لمين ؟ .. عالم ماتسترش ..
(في هذه الأثناء نستمع الي رنين جرس التليفون
المحمول في جيب مغاوری الذي يخرج من جيبه لنرى
هذا الجهاز العتيق للغاية والضخم أيضاً والذي يمثل الجيل
الأول للمحمول ناهيك عن انه مفصول الي قطعتين
يجمعهما مغاوری ليرد) ..

مغاوری

(للجهاز في حنق) .. ما تصبر انت كمان لما ألمه علشان
أرد .. أصبر .. (ثم يستمع ويتحدث) .. آلو .. مين معايا
(عبر الموبايل) .. الأستاذ مغاوری ..
أيوه أنا الأستاذ مغاوری .. انت مين ؟ ..
أنا هاني بيه ..
هاني بيه ده مين ؟ ..

ص/ هاني

مغاوری

ص/ هاني

مغاوری

هاني بيه ابن صاحبك كمال باشا .. اللي مسلفك خمس
تلاف جنيه من سنتين ولحد وقتنا هذا
(مقاطعاً وبلهجة مطاظه) .. بس .. هو اليوم كله تسييح
ولا ايه .. عرفتك خلاص ..

ص/ هاني

مغاوری

ص/ هاني

الأماره مظبوطه وفي السليم ولا أكمل ..

- مغاورى مضبوطه ياسيدى واتفهمت .. هه .. انت موش جاى ولا ايه؟
- ص/ هاني موش جاى ازاي ..
- مغاورى طالبني علشان هاتأخر شويه يعني ..
- ص/ هاني تأخر ليه اذا كنت جيت ..
- مغاورى جيت إمتي ؟ ..
- ص/ هاني وصلت حالاً وحسب الميعاد ..
- مغاورى (وهو يتلفت حوله) .. وصلت فين ؟ .. أوعي تكون غلظت في العنوان ..
- ص/ هاني لا ماغلطتش .. أنا باكلمك من علي باب شفتك ..
- مغاورى (في دهشه) .. علي باب شفتي !! .. طيب ماخبطتش ليه ؟
- ص/ هاني من ناحيه كسل .. ومن ناحيه مخلي التخبيط لقدام ..
- مغاورى مكسل تخبط علي الباب ؟ .. ده ايه الكلام الفارغ ده ؟
- ص/ هاني مانتت كمان مكسل تفتحي .. ده ايه القرف ده ..
- مغاورى (محدراً) .. ولد .. كلمه واحده زياده وهاتصل بأبوك وأقوله طيب وحياتك ماتنساش تقوله كمان اني جيت وانت مارضتش تفتحي فخذت علي خاطرى ورحت ماشى ..
- ص/ هاني سلام ..
- مغاورى (وهو يركض نحو باب الشقه ليفتحه) .. لا استني .. الباب

هاافتحه أهه .. ولو عصلج وحكم الأمر هاكسره .. ثواني ..
(مغاوری يقوم بفتح الباب ليظهر هاني وهو شاب في
مقتبل الحياه يرتدى ملابس غايه في فساد الذوق وغايه
في القدم وأكبر من حجمه أيضاً) ..

مغاوری

(الذى ييدى تقززه من هيئه هاني وعلي مضض يمد له
يده ليصافحه) .. أهلاً بابن الغالي ..

هاني

(الذى ينظر الي مغاوری بتفحص ويتفحص حوله وهو لا
يمد يده له) .. حاول تمشى اللي حواليك دول .. (ثم وهو
يحدث المجهول) .. من فضلكم انا جاى في موضوع
خاص والكلام لازم يكون بيني وبينه .. (مستمراً في
حديثه مع ذهول مغاوری لما سمع) .. شكراً لحسن
تعاونكم .. مع السلامه .. (وها هو هاني أخيراً يمد يده
ليصافح مغاوری) .. معلش .. الأعراب مايصحش يبقوا
موجودين واحنا لسه بنقول ياهادى .. (ومع تجمد
مغاوری في مكانه .. هاني يسحب يده وهو يسأله) ..
انت زعلان اني مشيتهم .. تحب أناديلك عليهم ..

مغاوری

(في دهشته الكبرى) .. تتاديلي مين !! ..

هاني

اللي كانوا معاك ..

مغاوری

مين دول اللي كانوا معايا ؟ ..

الي مغاوري الذي جلس أرضاً في تداعي وهو يمسك
برأسه) ..

آه يامه ياراسى .. آه يابا يانافوخي .. آه ..

(قبل أن يعلق أحد) .. هو الصداح ده بيجيله كتير !!؟ ..

(لهاني) .. إنت مين ؟ ..

(وهو يتعجب من السؤال وينظر الي مغاوري) .. بلاش

أرد أنا .. ولو موش قادر انت كمان موش مهم .. (ثم وهو

ينظر لأشرف وسميره) .. أكيد حد من اللي دخلوا معاكم

هايخمن ويقولكم أنا أبقى مين ..

(وقبل أن يرد أشرف أو سميره علي ما قال هاني) ..

عرفتوا أنا هاولع من ايه .. وصلتكو ..

(لمغاوري) .. مين ده يامغاوري ؟ ..

(وهو يشير لهاني) .. ده هانى .. هاني اللي جاى يخطب

بنتك نسمة .. (ثم الي أشرف) .. عرفت نسيبك يابتاع

أطاليا .. والهجره اللي موش في الحلال .. عرفتوا ده يبقي

مين ؟ ..

أنا بيدو اني جيت في وقت غير مناسب .. مكنتش أعرف

ان عيلتك بالحجم الفطيع ده اللي انا شايفه ..

مغاوري

هاني

أشرف

هاني

مغاوري

سميره

مغاوري

هاني

(لهاني وهو ينهض في إعياء) .. تاني هايقوللي ان فيه ناس تانيين هنا غيرنا .. وشويه شويه يكونوا راكبين علي كتافي كمان .. بص انا هاادخل الحمام واجيبهم ..
تجيب ايه بالظبط ؟ ..

مغاوري

هاني

العفاريت .. حاكم العفاريت دول مزاجهم وكيفهم يقعدوا في الحمامات .. (ثم وهو يمضى من الغرفة وهو يشير حول رأسه بعلامه الجنان) .. ربنا يجعل كلامنا خفيف عليهم ..
(بعد أن يخرج مغاوري ويتجه ليجلس بأحد المقاعد) ..
كويس انه خذ اللي معاه ومشى علشان نتكلم علي رواقه ..
(بطريقه مفاجئه) .. هي العروسه مين فيكم ؟ ..

مغاوري

هاني

(في ذهول) مين فينا ؟

أشرف

(في تهدئة لأشرف) أكيد بيهزر .. ميغراش

سميره

(لسميره متجاهلا لأشرف) في عروسه في الكهف ده ولا مافيش

هاني

(لهاني في قلق) كهف ؟ فيه طبعا .. بس فهمني الاول ايه حكاية الموجودين واللي قاعدين دول ؟ ..

سميره

لا حكاية ولا روايه .. الموضوع باختصار إن والدي قالي آجي أخطب بنت جوزك .. كويس ..

هاني

- سميره (في دهشه) .. هي بنت جوزى دى موش تبقي بنتي أنا
 كمان ؟
- هاني ده علي أساس انك مراته مثلاً ..
- سميره أيوه مراته ..
- هاني موش شرط .. المهم اني جيت ..
- أشرف إنت بتقول ايه يا جده انت ؟ ..
- هاني ده علي أساس برضه انك ابنه ..
- أشرف وبشرط .. تعدل كلامك كده وتصحي للي بتقوله يا إما موش
 هاطلعك من هنا سليم ..
- هاني (وهو يتلفت هنا وهناك بحثاً عن شئ ما) .. هو إتأخر
 كده ليه .. أكيد ماسكين فيه في الحمام لبعد غدا .. ممكن ..
- سميره (لهاني) .. سؤال بسيط تاني ..
- هاني إسألني ..
- سميره (في تحفظ) .. دستور قبل ما قولها .. إنت .. إنت لابسك
 حاجه ؟ ..
- هاني لا لابس ولا قالع .. وما حدش يسألني أسئله تافهه لاني مش
 فاضى
- أشرف (في عصبية) .. إسمع يا جده انت .. انت علشان جاي من
 طرف واحد صاحب أبويا وفيه عشره بينهم من سنين ..

إحنا هاندك واجبك وبعديها يستحسن تاخذ طريق .. ماشى

من غير ماشوف العروسه ..

من غير ماتعرفلها طول ..

روح إسأل السيد الوالد الأول وقوله أشوفها ولا

ماشوفهاش ..

السيد الوالد دلقك ودخل الحمام ..

خبط عليه بس بالراحه لا تزعج اللي قاعدين معاه ..

مين دول اللي قاعدين معاه ؟ ..

(لأشرف) .. العفارييت يأشرف .. موش سمعت أبوك

وهو بيقول داخلهم ..

(وهو يمضى دون اقتناع) .. أروحله .. ما داهيه لا

يكونوا كلوه ..

(بعد خروج أشرف ولهاني) .. قوللي ياهاني .. انت

صنعتك ايه ؟ ..

مهندس ..

(في تعجب) .. مهندس !! ..

دشات .. ومقدم علي ثانويه عامه في الريسيفر

في دى ماكديتتش .. كلهم مهندسين ودكاتره .. وبسم الله

ماشاء الله كده .. بتتحصل علي كام ؟ ..

هاني

أشرف

هاني

أشرف

هاني

أشرف

سميره

أشرف

سميره

هاني

سميره

أشرف

سميره

هاني

في الساعه ولا في الدقيقه ..

سميره

في اليوم ..

هاني

حضرتك بتشتغلي في الضرايب ..

سميره

لأ .. أنا أم وعاوزه اطمن علي مستقبل بنتي ..

هاني

(وقد أمسك عليها بخطأ) .. صدقتي بقي الكلمه اللي

موش عجاك لما بقول بنت جوزك .. أهه .. أديك قولتي

انها بنتك إنتي وعاوزه تظمني علي مستقبلها .. (ثم بلهجه

صارمه) .. المسائل دي ماتخصكيش .. تخصها هي بس ..

ده في حاله لو انا وافقت اني أتجوزها ..

سميره

(بلهجه عتاب) .. كده برضه تكسفني .. دي مكانتش كلمه

قولتها ..

هاني

(بلهجه حزم وأمراً) .. قومي اندهيلها ياللا وبلاش رغي

سميره

(وهي تمضى في خوف منه) .. حاضر .. هاقوم اندهلها

حالاً واخليها تيجي تشوف السعد اللي جايلها ..

(تخرج سميره تماماً من المكان .. وما هي إلا لحظه

واحد ويدخل أشرف وهو يحمل صينييه عليها كوب من

الشاي وصحن به بعض الحلويات وهو في انكسار شديد

وتتبعه مباشره نسمه هذه الفتاه الجميله التي يبدو عليها

مسحه من الحزن وعدم الرضا ونراها مطرقه الرأس لا

تنظر الي هاني منذ دخولها) ..

(لهاني في ترحاب شديد مرغماً عليه) .. الشاى
ياباشمهندس .. ويارب يعجبك .. (ثم بعد أن يضعه علي
المكتب ثم وهو يستعد للخروج) .. هاسييكم مع بعض
شويه علشان تتعرفوا وتأخدوا وتدوا براحتكم .. بالاذن ..
(ويخرج أشرف تماماً من الغرفة .. وها هو هاني يتطلع
لنسمه في إنبهار شديد يحاول أن يخفيه وهي مازالت
واقفه ومطرقة الرأس كما هي) ..

أشرف

(وهو يمارس نفس الاسلوب منذ مجيئه اذ ينظر للمقاعد
الخاليه ويتحدث معترضاً) .. حاجه غريبه جداً .. انتوا
مش سمعتوا أخوها لما قال هايسيينا مع بعض شويه فيه
ايه .. (نسمه تنظر له فجأه وتتطلع للمقاعد التي ينظر
اليها في حديثه ويبدو عليها شئ من القلق والحذر في
متابعتها لما يقول .. وها هو يكمل حديثه) .. شوفي كام
نطع قاعد وواحد راحته علي الآخر وموش عاوز يقوم ..
(ثم بطريقه قويه ومتحفزه) .. قوم فز اطلع بره انت وهو
وموش عاوز أشوف خلفه واحد فيكم .. بره ..

هاني

(وهي تنظر له في خوف شديد) .. إنت كنت بتكلم مين ؟
ماتشغليش بالك ..

نسمه

هاني

- نسمة (في قلق) .. ما اشغلش بالي ازاي .. دي حاجه تقلق .. أنا
خارجة ..
- هاني (يستوقفها لعدم الخروج) .. موش هاتخرجي قبل ما
نتكلم ..
- نسمة نتكلم في ايه .. ما الجواب باين من عنوانه ..
- هاني برضه نتكلم .. موش جازي العنوان يكون غلط ..
- نسمة لا موش غلط .. ده صح جداً .. واللي قالهولي أشرف عنك
أقل بكتير من اللي شوفته بعيني .. بس انا لي سؤال عندك
غير اللي أمي سألته .. ممكن؟
ليه لأ ..
- هاني هو أبويا شافك قبل كده وقعدت معاه ؟ ..
- نسمة لا عمره شافني ولا عمرى شوفته .. دي أول مره نتقابل
مع بعض في الخندق ده ..
- هاني جميل .. سؤال كمان لو سمحت .. أبوك ..
- نسمة إشمعني ..
- هاني (في عصبية) .. موش باهزر .. أبوك يعرف كل حاجه
عنك وعن حياتك ؟ ..
- هاني أكيد يعرف ..
- نسمة ولما هو يعرف .. ليه يرضى علي نفسه يبعثك تبهدل في

- بنات الناس وتعقدهم في حياتهم ..
تعرفي انك في عصبيتك تجنني .. هائي
- (محذره له في قوة) .. وتعرف انت لو ماقتحتش الباب ده
وخرجت .. (مشيره الي باب الشقه) .. هااصرخ واقول
انك عايز تغتصبيني .. نسمة
- بقولك زى القمر وانت عصبية .. هائي
- (وهي تهدد وتمضى نحو الباب للداخل) .. هه .. أصوت
ولا هاتاخذها من قصيرها وتتكلم .. نسمة
- (في تعقل ملحوظ) .. فيه واحده رقيقه زيك ترضى
تصوت في وش واحد لقي نفسه فجأه أول ما شافها .. فيه ؟ هائي
- (ومازالت تهدده) .. هي دقيقه لو ماخرجتس هألّم الدنيا
عليك نسمة
- أنسه نسمة .. أنا شاب عاقل جداً وطبيعي جداً وموش
باعاني من أى مشاكل .. وبالنسبه لإدعاء الهبل والجنان
دول ليهم أسبابهم .. وياريت تديني فرصه أشرحهملك .. هائي
- شئ مايخصنيش .. أنا اللي يهمني حالياً إنك تتفضل
وتوريني عرض ... نسمة
- (مقاطعاً لها في لطف) .. عيب .. عيب لما نبدأ علاقتنا
بان حد فينا يهين الثاني .. (ثم وهو يخرج ورقه من هائي

جيبه) .. متهيألي بتعرفي نقرى وتكتبي لإنه بلغني ان
معاكي (وهو يضحك للكلمه) .. دبلون .. دبلون في ايه
بالظبط ما عرفش .. المهم دى يأنسه صوره لشهادتي من
كلية الهندسه .. موش كلية الدشات لما كنت باضحك مع
الست الوالده .. إمسكيها ماتخافيش .. (ومع عدم
استجابتها يضع الشهاده علي المكتب ويبعد عنها مرة
أخرى) .. شوفي يا .. أسمحيلي أقول يانسمه كده علي
طول .. شوفي يانسمه .. ساعات الناس بتتحط في ظروف
ملخبطة غصب عنها .. وده اللي حصللي وحصلك ..
والدى أصله ووالدك كان فيه بينهم تعاملات .. والظاهر ان
تسويه التعاملات دى وصلت لطريق مسدود وما اتحلتش ..
ده اللي انا فهمته .. وده اللي قلقتني في طلب والدى إنني
أجي علشان أطلب إيدك بدون ما اعرفك وقاللي ان السيد
الوالد يعتبر موافق علي جوازنا برضه من غير حتي
ما تشوفك أو تشوفيني ..

جوازه تخليص حق يعني ؟ ..

نسمه

ولو حد فينا ما اقتنعش بالتاني لا يمكن هارضى لنفسى ان
الجوازه دى تتم بأى حال من الأحوال ..

هاتي

وايه اللي يأكلدي كلامك ؟ ..

نسمه

هاني

موش هاقولك اسألي الوالد .. لأ .. لإني هالباقي بكده
إتسببت في جرح كبير لإنسان من المفترض كرامته
هاتبقي من كرامتي لو حصل إرتباط .. وبالمناسبه لو
بينتيله انك تعرفي السر اللي قولتهولك هاطلعك كدابه ..
لان موش هايبقي فيه أى حاجه تثبتها بعد الفلوس ما
هاتتسدد والكمبيالات تتحرق قدامك .. بغض النظر ان
كنتي عاوزاني ولا موش عاوزاني .. ده وعد وملتزم بيه ..
اتفقنا ..

موش عارفه أقول ايه ..

نسمه

خدى وقتك وفكرى .. (ثم وهو يضحك ويشير للمقاعد
الخاليه) بلاش من القرار العاطفي المتسرع لأن كل اللي
قاعدين دول هايكونوا شهود عليك ..

هاني

(محذره في ابتسامه هي الأخرى) .. وبعدين ؟ ..

نسمه

(بطريقه سريعه) .. تيجي نعمل حاجه نغير بيها الانطباع
الوحش اللي اتاخذ علي قدام عيلتك ..

هاني

حاجه زى ايه ؟ ..

نسمه

أى حاجه تخطر علي بالك حتي لو كانت مجنونه ..
(وهي تفكر) فيه حاجات الناس مازالت بتعتقد فيها لغايه
اليومين دول ..

هاني

نسمه

هاني .. اللي هي ؟ ..

نسمه الاعمال .. هانقول ان ساعتك وقعت منك علي الارض
واتفتحت ووقعت منها ورقه قد الفتوته ..

هاني فيها ايه الورقه دي بقي ؟ ..

نسمه عمل كان معمولاك عشان ماتتجوزش .. لكن الحمد لله ربنا
خيب ظن اللي عمله وجت علي أهون سبب ..

هاني (بعد لحظه تفكير) .. تمشى ..

نسمه (مؤكده في ثقته) .. إلا تمشى .. (ثم في تأكيد) .. ده انا
شخصياً لو حد قالهالي هاصدق وموش هاقول لأ ..

هاني (محذراً في ابتسامه) .. انا كده أقلق منك ..

نسمه وتخاف كمان .. انت بس اعمل اى حاجه تزعني منك
وهاتلاقي مليون عمل عملتهولك ..

هاني ربنا يستر ..

نسمه أروح احكيلهم الحكايه اللي قلناها .. واقولهم اني لما عرفت
الحقيقه وافقت علي الجواز ..

هاني وانا هاعمل اني مدروخ من بعد العمل مالتشال ..

(تخرج نسمه من الغرفه .. وها هو هاني يجلس
مسترخياً علي أحد المقاعد ويصطنع النوم العميق ..
لحظات ويدخل مغاوري في هدوء شديد وعلي أطراف

أصابه ويتقدم نحو هاني ويتفحصه في إشفاق) ..
 (في شئ من التأثر والتعاطف) .. مسكين والله .. كل بني
 آدم في الدنيا دى عنده وجع مكفيه .. هو وجعه في تهيؤات
 أتخط فيها .. وأنا وجعي في حقايق عملتها بإيديه .. هو
 متهيأله ان فيه ناس مالهاش وجود بتظهر له .. وأنا متأكد
 ان فيه عالم جل الملك محوطاني .. الدوله بتقول عليهم
 إنفجار بشرى زى ما يكون ماسورة ميه ضربت في البلد
 وموش قادرين يصرفوا الميه اللي حواليتها .. علماً بان
 الميه طول عمرها خير .. سوا نزلت من السما ولا من
 آخر الدنيا هناك (يشير بيده للخلف) .. خير والله .. خير ..
 ورب الكعبه خير .. طب علي النعمه من نعمه ربي خير ..
 حتي لما كانت مانع بينا وبين عدونا كانت خير .. خير
 لأنها ساعدتنا إننا نعديله وندمر بقية موانعه ونخلص من
 كابوس قرفنا سنين وسنين .. وعشان ده مايتكررش ولا
 نشوفه .. ياريت ماسوره الميه اللي إنفجرت دى وعامله
 للحكومه مشاكل .. ياريت يوصلوها لسينا وده يبقي أكبر
 مانع طبيعي مايكلفناش مليم .. لانه مجهود شخصى من كل
 مواطن .. هو يعيشها برحته وينبسط والدوله تعيشها في
 امن وتتحكم .. بس مش علي طول .. ياواش ياواش زى ما

قال المجرم ابني بتاع الهجرة اللي موش فى الحلال .. (ثم وهو يتلفت حوله علي طريقة هاني) .. فيه حد هنا ياخوانا ببسجل اللي بنقوله .. مافيش .. ماشى .. أدينا بندردش دردشه سلميه بتنادى بمطلب واحد .. (ثم يهتف) .. فلتسقط الموانع الصناعية .. ولتحيا الموانع الطبيعية .. (ثم يغير من لهجته) .. عايزين يحبسوني علي الكلمتين دول .. انا موافق وجاهز .. (ثم يرفع المذكرة التي كانت في أول العمل) .. حضرات القضاء .. حضرات المستشارين ..

(ها هو هاني يمثل الإفاقة من غفوته وهو يتمتع) ..

(بصوت منخفض) .. ياه .. أنا فين ؟ ..

(الذى قد سمعه) .. فقت يا هاني .. فقت .. ألف حمد لله علي السلامة ..

مين .. عم مغاورى ..

يا عيون عم مغاورى ..

عم مغاورى .. أنا كنت عاوز اسأل حضرتك سؤال صريح وتجاوبني عليه بكل صراحة ..

قول يا ابني سامعك ..

(في تردد) .. هي .. هي نسمة بنتك كانت حامل ؟ ..

هاني

مغاورى

هاني

مغاورى

هاني

مغاورى

هاني

(في جنون) .. حامل .. مين الواطي ابن الواطي اللي

مغاورى

قالك كده ؟ .. مين هو قوللي وأنا آكله بسناني .. مين ؟ ..

(موضحاً في تعقل) .. حامل للمرض مني ونقلتهولك وده

هاني

اللي وداك الحمام ..

أنا إتعديت منك ؟ ..

مغاورى

أيوه إتعديت .. والأماره الناس اللي موش موجودين اللي

هاني

كنت بتكلمهم دلوقت .. (مع دهشه مغاورى) .. أنا من

رأيي توقع موبايك الواقع أصلاً يمكن تلاقي جواه عمل

هو الثاني ..

(وهو ينظر للخارج وبصوت منخفض) .. بيني وبينك

مغاورى

ياابني أنا حاسس اني موش في حالتي .. وجايز جداً حد

يكون عامللي حاجه من حأده علي في شويه العيال اللي

مصيتني ..

(تدخل نسمة وهي مبتسمه سعيده وكذلك سميره وأشرف

الذى يحمل برواز ضخم لصوره لا نراها وهو أيضاً يبتسم

في سعادته كالآخرين) ..

(لبسمه) .. إيه يانسومه .. نعمل الفرح الخميس بعد بكره

مغاورى

ولا نخليه الخميس اللي بعده ..

(في شئ من الخجل) .. اللي تشوفه ياابا ..

بسمه

- مغاوري
نسمه
سميره
مغاوري
أشرف
هاني
مغاوري
أشرف
مغاوري
أشرف
مغاوري
- خلاص .. الخميس اللي بعده ..
(في حده مفاجئه) .. اللي بعده ماينف عش .. (ثم للام
بلهجه ذات مغزى) .. انت موش عارفه .. ماتقولي حاجه.
أنا من رأيي علشان نوفر يستحسن نكون مع بعض في ليله
واحد .. ثم في لهجه صارمه لمغاوري) ٠٠ الخميس اللي
بعد بكره يامغاوري ماتأجلهاش ..
ماشى .. بس الأول اوقع الموبايل علي الارض يمكن يطلع
جواه حاجه تعطني عن الليله ..
(لهاني) .. مبروك ياباشمهندس .. مبروك يانسمه ..
عقبال مانفرح ببيك انت كمان ..
(لأشرف) .. هه .. عقلت وهانفرح ببيك زى ما بيقول ..
ولا لسه مجنون وهاتخللينا من دلوقت نلم حق الخارجه ..
(لمغاوري في ابتسامه) .. لا عقلت .. عقلت وبعث
فاكس للمجانين التلاته اخواتي اللي هناك وقولتلهم كفاره ..
هما حبسوهم خلاص ..
وهايرحلوهم بكره علي أول مركب جايه ..
(وهو يثبير الي البرواز في يد أشرف) .. وإيه اللي انت
شايله في إيدك ده ؟ ..

- أشرف (وهو يدير البرواز وقبل ان نرى صورته للطفل المشهور
الذى يتبول بالحمام) .. جبت صورته من علي النت
وكبرتها يمكن حد يتعرف عليه ..
- مغاورى صورته مين ؟ ..
- سميره الواد اللي تاعبك وتاعبني وموش قادرين نشكمه ولا
قادرين حتي نبلغ عنه الأحداث ..
- مغارى الواد القضييه ..
- نسمه (في إعجاب وهي تشير لصورة الطفل) .. نفسى في
قضييه كميلاه كده تكون شبيهه وفي طولة لسانه ..
- هانى (وهو بيتسم لنسمه) .. أنا حاضر ..
- مغاورى (صارخاً وهو يصفع خديه) .. وانا ناقص قواضى ..
- (مره أخرى وبنفس الطريقه المفاجأه يظهر سيد
المحامي من وجهه نظر مغاورى بالطبع آتياً من نهاية
صاله العرض وبنفس ملابس المحاماه) ..
- سيد جاتلك علي الطبطباب يامغاورى .. قضييه يعني سيد ..
وسيد يعني أتعاب .. وعلشان ماتقعدش تعيد وتزيد في اللي
علي لجنابك .. انا هااترافع عنك باللي ليك عندى .. وبكده
نبقي خالصين .. (وقد وصل أخيراً الي مقدمة خشبه
المسرح) .. ايه رأيك ياأبا

- مغاوری
سید
مغاوری
- آبا !! ..
أيوه آبا .. انت ناسى ولا ايه ؟ ..
(في دهشه وحيره وهو يفكر في تصرف ما والجميع يتابعونه في قلق وتعجب يتحدث لنفسه جانباً) .. نصيبه ليكون بجد وامه باعتاه ياخذ النفقه . .
- سميره
هاني
- (في تساؤل للآخرين) .. هو ماله .. بيكلم نفسه ده ولا بيكلم مين ؟ ..
(مبتسماً) .. بيكلم حد طبعاً .. مش باقولكم ان فيه ناس غيركم في البيت ..
- نسمه
مغاوری
- (محذرة لهاني) .. وبعدين معاك .. مش قلنا نبطل الكلام ده (وهو يشير لسيد بالصعود بخشبه المسرح) .. قرب تعالى عشان افتكرك كويس .. قرب ..
(يقفز سيد المحامي ليصعد خشبه المسرح وها هو مغاوری يمسك بتلابيبه ويكاد يخنقه) ..
- سید
مغاوری
- (وهو يحاول الافلات منه) .. عيب كده مغاوری .. احنا شركا ..
(وهو يحكم قبضته علي رقبتة) .. شركا ياابو ميزانيه .. جملي ده اللي عملته مع صاحب البيت هناك كوم .. واللي هایتعمل معاك هنا كوم تاني .. (ثم موجهاً حديثه الي

زوجته سميره في تحمس) .. جرى علي أودة النوم
حطي احمر و أخضر و البسى شفتشى .. و أنا أزقه علي
عندك لاجل ماكسب قضيه منه مره في حياتي .. جرى ..
(في دهشة لما يقوله مغاوري) .. هو ايه اللي بيحصل ..
احنا واقفين طراطير هنا يا جدعان ؟ .. شفتشى ايه و اللي
هايتزق ده ايه ؟ ..

اشرف

(أمراً سميره بحده) .. باقولك جرى علي اوضة النوم ..
انتي لسه واقفه ..

مغاوري

(في سعادته) .. وأشغل عبد الباسط ..

سميره

(وهو يكيل اللكمات لسيد) شغليه .. الصوت أصله
هايبقي عالي و موش عايز الجيران تسمع ..

مغاوري

(مع ضحكاتهم وتعجبهم يسدل الستار لنهاية المسرحية)

الكاتب في سطور

- **مدوح فهمي**
- خريج كلية تجاره في إدارة الأعمال
- شرف بالخدمة في القوات المسلحة ضابطاً بالدفاع الجوي
- حصل علي الدراسات العامه والتخصصيه في السيناريو من المعهد العالي للسينما
- يكتب للمسرح والسينما والتلفزيون
- عضو باتحاد الكتاب ونقابه المهن السينمائية وجمعية كتاب ومؤلفي السيناريو وجمعية كتاب ونقاد السينما والجمعية الأفروآسيويه للفنون والثقافه
- قدم العديد من الأعمال التليفزيونيه والسينمائيه منها : **المشهد الأخير** – **جماد من لحم** – **شهادة ميلاد** – **بعد الرحيل** – **العميل رقم ١٣** – **دمعه علي خد القمر** – **نساء لا تعرف الندم** – **وحوش أليفه** – **نداء عاجل** – **جمعه وبطاقاته** – **الشخصيه** – **الماسات الخضراء** • ومازال الزواج مستمراً – **لهيب الدم** – **أيام الخوف** وغيرها
- نال الجوائز الأدبيه الأولي في المسرح أثناء سنوات دراسته الجامعيه
- فازت مجموعته المسرحيه (**المداوله بعد الحكم أحياناً**) بجائزة محمد سلاموى عن النص المسرحي من اتحاد الكتاب
- كرمت بعض أعماله الدراميه **كبعد الرحيل** – **وجماد من لحم** في بعض من القنوات الفضائية العربيه
- أحتفل بعمله للخيال العلمي (**الماسات الخضراء**) من جمعية كتاب ومؤلفي السيناريو بعرض الفيلم وندوة عن كيفية صياغة الروايه برؤية السيناريست

إصدارات وأعمال جديدة للمؤلف

صدرت له دراسة عملية عن (العلاقات العامة وفنون الممارسة) وفيها (يتناول سمات الشخصية، أبعاد المهمة، تنمية العلاقات، المراسم والبروتوكول، فهم الاتيكيت، اجندة الانطلاق).

صدرت له مسرحية (حاصروا المنطقة) وهى من ثلاث فصول

صدرت له المجموعة المسرحية (المداولة بعد الحكم احيانا) وتضم ثلاث مسرحيات من فصل واحد (الدفاع الاخرس، شرف القتلة، المداولة بعد الحكم احيانا)

صدرت له المجموعة المسرحية (السادة والأسياد) وتضم ثلاث مسرحيات من فصل واحد (حدوة الحصان، انين الذئاب، السادة والأسياد)

صدرت له ثلاث مسرحيات جديدة ومنها التى بين يدى القارئ الآن واخرى بعنوان (برة الصندوق) والثالثة بعنوان (كبسة زر)

تحت الطبع مجموعة جديدة للإسكتشات المسرحية بعنوان (الإستوديو) وايضاً كتابة للقصص القصيرة بعنوان (جنس ادم) انتهى من كتابة فيلمه الجديد بعنوان (الغضب) وهو من الخيال العلمى

يعكف حالياً على كتابة الحلقات الأخيرة من مسلسل التليفزيونى الجديد (نار وجليد)